

列

朝

詩

集

列朝詩集

丁集第

高按察叔嗣 一百一十一首

陳副使東 二十五首

王參政慎中 三十一首

唐僉都順之 六十首

羅贊善洪先 三十首

任司直瀚 七首

李少卿開先 三十四首

賈袁通判公冕 一首
喬長史 一首

趙僉都時春 三首

呂提學高 三首

劉重慶繪 一十首

吳參議檄 一首

高按察叔嗣

叔嗣字子業祥符人嘉靖二年進士授工部營繕主事改吏部稽勳歷員外郎中告歸三年仍起前官出爲山西參政陞湖廣按察使卒年三十七子業年十六作申情賦萬言十八舉于鄉居官數忤時宰引疾里居參晉藩乞休者再竟没于楚生與僞漢友諒同支于其卒亦友諒禁江之年也自訂其詩文曰蘇門集明州陳東約之爲之序曰洪武初沿襲无體頗存纖詞則高楊爲之冠成化以來海內蘇豫喜爲流易則李謝爲之宗弘治

力振古風一變而爲杜詩則李何爲之倡嘉靖初元後生靈秀稍稍厭棄更爲初唐之體家相凌競斌斌盛矣然而作非神解傳同耳食得失之致亦畧可言子美有振古之才故雜陳漢晉之詞而出入正變初唐襲隋梁之後故風神初振而縵靡未刊今無其才而習其變則其聲粗厲而畔規不得其神而舉其詞則其聲剛緩而無當彼我異觀豈不更相笑也子業絕謝品流因心師古每有屬綴佇興而就寧復罷閣不爲淺易往往直舉胸情獨妙閒曠有應物之冲澹兼曲江之沉雅體孟王之清適具岑高之悲壯詞質而腴興近而遠洋洋乎斯可謂之詩也子業少受知于李獻吉弱冠登朝薛君采一見歎服詩以清新婉約爲宗未嘗登壇樹幟與獻吉分別滯澆固已深懲沈拆之病而力延其膏肓矣其意徹見於讀書園稿序中約之爲疏通證明嗚言其脈絡世之君子墮落北郡雲霧中懵不知返亦可以爽然而悟矣李中麓曰何李雖似大家去唐却遠蘇門雖云小就去唐却近蔡白石王叢潭以蘇門爲我朝第一其言雖過要之未可盡非也余故錄子業詩取冠丁集云新野馬之駿曰王元美評子業詩如高山鼓琴沈思忽往木葉盡脫石氣自青又如衛洗馬言愁憔悴媿鴛令人

心折余舉羊孚語贊之曰資清以化乘氣以霏遇象能鮮卽潔成輝此四語可盡一子業也

考功稿自叙曰嘉靖三年余繇工部營繕主事調補吏部稽勲已而再調考功時三原令光祿卿馬伯循爲郎中鈞州令江西按察使張子魚爲員外郎武城令國子祭酒王純甫同爲主事海內方更化學士大夫相與講文藝之事翕然甚著而三先生皆當時號大儒余日聞所未知翰選間作其後各以官遷替去而余出爲山西參政蓋一紀于今余于是取往日所爲詩讀之凡所作裁如旦夕間爾精神懋悅因以太息何則余少竊不自度思建功業垂不朽之譽今已稍陵遲上睹日月之易逝下悼齒髮之將衰感古之豪士能自樹名堅莫踰金石矣豐碑彘鼎一旦化爲砂礫載續史冊後至有未嘗見其書者名豈足言邪且夫同室之人銜杯酒笑語猶不能相信而欲歎百世之後邪年壯氣盛回思頗自咲此身譬如落葉隨風東西因時榮枯草木何擇焉方其吐英擢秀流詫譜牒與賢士何異何所加損哉固知亦不足歎矣時方徙居蕪寧道初秋朔稍亡事因次其語載之篇首觀者知余懷所繇起云

秋夜直省中

鵲鏡瞻堦樹雞栖入省臺
蒙煙仙署合懸月瑣闥開
伏枕南天遠聽笳北地哀
潘生應髮變司馬倍腸迴
爲木同先伐積薪異後來
無言秋夜永申目自徘徊

再調考功作

引疾三上書微願不克諧
徙官復在茲心迹一何乖
軒裳日待且閭闔凌雲排
入屬金馬籍出與群龍偕
積賤詎有基履榮誠無階
但惜平生節逾久浸沉埋
既妨來者途誰明去矣懷
鳥迷思故林水落存舊涯
唯當尋素業歸臥守荆柴

歲暮作

旦夕茲歲改蕭條旅思多
雲物媚晴宇氣候屬妍和
崢嶸新陽至故景實蹉跎
感時豈不懷二紀條焉過
棲身慚擇木望道歎伐柯
如匏吾自係匪玉玃爲磨
有髮日就長心短獨若何
但云畢夙志唯力豈知他

秋情

涼風吹庭樹蕭然已暮秋
歲運空云往客行胡久留
良時每易失微志果

難求餘光僅可積但恐成山丘

生日

年往望空除時來循虛至
明雨無留暑吹萬有逸氣
我行淹一周茲辰適
再值來吳歲更七算齒紀將二少懷滄洲心壯捐青霞志
淮南禽於異化魏
瓠始同棄五游存子歎三費亡吾忌達生庶不疚乘流隨所寄

古詩

荆和密路泣良璞爲誰明
茫然大楚國白日失兼城
鼎石十焚重魚目一
笑輕古來共感歎今予益吞聲

病起偶題

空齋晨起坐憚遊罷不適
微雨東方來陰雷候終夕
久臥不知春茫然
行役故園芳草色惆悵今如積

行至車騎關河南界盡處與親知別

山河未可盡行處與春長
驛路沙俱白關門柳欲黃
親知還自反離別各
相望且綴征車發中心戀故鄉

安肅縣寺病居漢陽董玄亮見過時董奉使還關

門前易水路下馬漢陽人野寺天晴雪他鄉日暮春相逢一尊酒久別滿
衣塵不憚王程急應憐伏枕身

寓居慈仁寺游覽

終日仙宮掩背松繞殿遮到來長春草行坐落天花關上王城盡門前官
路斜微身隨處是何敢數無家

與王庸之飲

旅舍背都門春酒一尊坐看芳草路回憶故山村爲客誰稱意逢人未
敢言留君須醉倒無奈日黃昏

歸自蕭氏園作

到來日已暮歸去戀柴門空自山當舍其如酒滿尊心知柳葉長愁見桃
花繁立馬一回首令人思故園

昆盧閣上同伍疇中諸公西望

客來常一上對此西山平向夕蒼楹立憑空閣道行楊花飛暮野雨色動
春城却戀同携手都忘羈旅情

寒食日昆盧閣上寄茂欽

高樓晴出帝城南楊柳千家夜雨含欲換春衣驚客久泥逢寒食思誰堪
門前歸路愁心繞檻外群峰僻性耽憑報故人應相笑微身何事戀朝簪
晚出都門登寺閣

柳葉桃花雨夜乾今年寒食在長安淹留不爲依雙樹踏踏合應笑一官
行出都門常日暮到來客舍已春闌芳菲滿眼心無奈祇上昆虛閣上看

送別家兄張掖門時謫開州

垂泣一相送臨途無限情功名何物是流落此心驚夢裏窺鄉樹愁邊滯
帝城終朝誰復語猶去戀塵纓

簡子陽廷評

終日祇緣此微官奈若何世情堪歎息身計任蹉跎客履涼風早鄉心夜
雨多故交誰復在無厭數來過

被言後作

高材多負憂潔身易招累余生本頑疎何取當年忌守官郎署間恒若臨
高壁分過每自驚名微久知媿中歲反故丘三載甘斥棄乘操苟不堅出
處成二致復此還京邑長路果顛躓赫赫明聖朝賢俊駟足次懸爵待天

庭但非通時器人言敢誰尤默然傷風志

簡袁永之獄中

本同江海人俱爲軒冕誤子抱無妄憂余有多言懼昔來始青陽今此已
白露豈乏速進階苟得非余慕罪至欲何言直以愚懦故衆女競中閨獨
退反成怒追誦古時人蒙冤誰能想皇心肯照微與子齊歸路

送別木之

憐君方遷戍况我嬰愁疾一別若流雲相從竟何日平生託交游弱冠弄
篇帙書頗藏名山功期銘石室安知事不就跌宕情如一已矣復誰陳今
亦反蓬華

送別德兆武選放歸

燕郊秋已甚木葉亂紛紛尖路還爲客他鄉獨送君罷歸時共惜棄置古
常聞莫作空山臥令人望白雲

送皇甫博士重補州州

辭邑初耽寂寂攻詩每晏居貧家滿坐客閉戶一牀書襍被情何忝腰章意
已踈阿君趨府處高興復何如

中秋同栗麥吉飲

罷酒俱不樂開簾望北軒
寒星出口少秋露墜衣襟
散步憐新詠平居想故園
空庭今夜月客思豈堪言

送管平田先生頒封秦府歸省

五等周分國三王漢世家
日聞敎帝族時見遺皇華
勇士仍鴉首疏邦自大牙
秦關通使節瀟水設征車
過邑思難屢登堂禮更嘉
何如北山客行役動長嗟

送大宗伯介溪公南都十二韻

露板政懽渥天書拜寵靈
春官典邦禮風后佐三庭
出入登三事遭逢起一經
持衡人莫眩講殿帝親聽
妙思黃華句雄篇縉補銘
龍文生亦汗繼翻奮青冥
轉柱神都遠同追祖帳停
二京分化理八座備儀形
仙擢花催發官途柳爲青
微生荷剪拂孤跡困飄零
空謝伸眉日多愁短髮星
公還衆所祝強飯念朝廷

歲暮答許武部廷議懷歸

掩關日愁晚他鄉歲已深
未能逃世網豈是戀朝簪
以我不如意憐君同

此心故園春事及歸路儻相尋

再移居

飢居屢傍禁垣西曲巷重渠路轉迷萬事無能心盡懶一官何補首常低
歸衝落日時驅馬起伺朝天每聽雞濡迹自傷非宦業綸竿終有故山溪

送抑之侍御謫典國

別離無奈客心煩直道南遷荷上恩臨路加餐好自愛平居握手更何言
連山楚雨迷官舍隔縣鄉音認故園若到江州定回首同游霄漢幾人存

至日省中

慣逐官僚後欣逢郊禮嘉蒙恩賜冬假拜手慶年華暫亦休胡馬聞唯待
暮鴉人言郎署好畢竟未如家

齋居偶題

自免知何病重來前此身愁多長畏客官拙竟隨人日銷空庭印風添滿
几塵山田薄亦好不去豈關貧

壬辰生子

客賀當長至渠生履歲和更衣起自慶醉酒坐同歌身世浮沉甚田園無

穢多吾今只若此知爾復如何

春夕同李孝功道舊

下馬春庭夕明燈夜雨深人多新歲感目有故園心磨滅名題柱淒涼賦
賣金十年同省舊誰念各如今

送陳永和鈞改官之真定學曩府君教處

厭事嘗疑拋縣印之官又見向儒宮城臨沱水新橋在路繞恒山舊驛通
乍到士人應認姓試詢父客幾成翁經中更廢蓼我講坐處青檀恨頗同

初去都夜

泛舟當日落解佩及春歸病比相如是情方叔夜非暖雲蒸海氣殘月吐
洲暉今夕孤懷客誰云伴少微

讀書園稿自叙曰老子有言知我者希則我貴夫人不期於世之知而
何較貴賤邪余素弗攻於辭皮子以吏部郎中謝病歸於家開封當郡
縣孔道應接稱煩余於是徙之城東田中依舊廬稍葺治以居家貧遂
力農事月裁三四至城而已當是時李空同先生方盛邑子之屬出其
門撰爲文辭模放古人若宋蘇軾唐韓愈薄不爲也余私心不能無慨

慕時時竊擬一二篇庚寅歲所著獨多踰年余既上京師斯事乃罷夫
本非所長而強力慕之度必取謫於衆然其篇留筍中甲午余分守冀
南將按縣晚出文水方初冬新雨已車行村虛景色如故園余怳然太
息其夕宿汾州燒燭披取筍中詩事歷歷在目低回久之夜不能寐非
特感於詩也曩者不能取容故退而畊於野丘園之樂使人忘老而余
不自持復且苟焉干祿澳忽於今犯詩人胡顏之詆其知於人也蓋希
矣然則余豈貴邪老子之言明其翫世也已

始至讀書閣

疲繭違時好歸來踐夙權田閣深自託朋舊肯相寬挂壁尋耕耒刈林選
釣竿亦知身寂寞長冀賞心觀

元日同谷子廷賦

雄都盛賓客車馬爭馳薦芳辰啓初年宴飲多所務不知灌園身何爲迷
方誤郊館抗空豁山崇峻峻路良朋平生權就我今朝步城因並舍登徑
爲穿林度微陰原上明片日雲中露青霞照深池白雪停幽樹共貪歲欲
新不厭日旋算農田方在茲石豈數能傾

子脩侍御見過時謝病

郊扉臨巨壑野日照晴空柳色春衣上波光曉鏡中當軒留駟馬出戶倚
雙童欲問朝簪懶人今臥病同

酬蔚士量見過

勿以歸來早其如疾病何朝朝故園裏寂寂古城隅自入深林牧閒當大
道歌知非蔣生徑求仲爾來過

移樹道上

春園就蕪穢雜樹生蒙密不知雨露功長養何多術婆娑使人憐斬伐終
余恤乘時聊徙植予以託吾室交生兩相當刈取直如一轉令門巷新遂
放難豚出修修原上加團團村邊日紛吾本寒劣兼爾抱憂疾敢學成都
桑而謀荊州橋願及垂陰成初志儻此畢

寄亳州薛考功

少年不識字持戟仕金門萬事蹉跎豈自料一官顛領與誰言上書昨日
辭天子還從闕下歸田里束縛如白重爲人激昂尚欲酬知已不悟名輕
世果然翻嫌計晚身如此便爾深林學逖棲家貧那免伏畊犁腰鎌暮向

東門北倚杖朝過羊野西伐木手營一茅宇披榛力灌糞藥畦篋中筆硯
無時把肘後詩書坐懶題往往頑癡衆所疑悠悠端合困明時聞君解語
五千字考劫項宅呼仙窟定所知此日低頭應笑我平時開口却爲誰

晚步

出門還自笑復此欲誰親惆悵村頭樹歸來路口人風聲兼亂業日氣抱
游塵豈不躬畊苦東看是有莘

觀游人

大道通遊遊傾邑出車馬玉管移高堂金鞭臨曠野蓋踏芳草中時歌花
樹下浩蕩春思盈留連莫愁寫回看巖石間頗頓興畊者

寄憶茂欽員外

閒居已可懼况復乘嘉月山鷲自自鳴園樹皆爭發出從草際歸行傍村
頭嵌臨流或嗽齒倚杖乃散髮此時正憶汝振珮趨丹闕

霍開府載酒見過

列坐青郊映容門面戟雄騎原微騎外春草舞筵中玉珮邀皆至金尊狎
與同無將灌園意錯訝楚三公

少年行

死士結劍客生年藏博徒里中夷門監牆外酒家胡有時事府主無使擊
匈奴虎頭一侯印狼臂兩雕弧管使名王侍蓋聞邊吏誅長驅隨汗馬轉
關出飛狐蒲葦逐破滅莎居不支吾甲第起北關登邱開東都豈學驃姚
將椒房仗子夫

春日行

大隄花欲然芳草不歇冶服誰家子良辰爭馳突寶劍本佞家金鞭自
俠窟其矜百金裝相誇千里骨雲散懼未終月明還城闕宋門徒御稱青
樓歌管發倡女盡朱脣貴主俱髣髴衣向車中更燭從坐上沒誰論牆東
生白面羞干謁

與客遊宋戴樓城門九老泉上

草屨相携處田家水郭間林風動衣帶泉色照客顏軟草留堪坐芳花折
與還春城一散擺車馬更難攀

荅谷司僕見問

幸自返中園非關逃微祿方因疾病餘隨飽供樵牧春至東郭田夏來北

林木時從遠原上日縱平郊日野老逢與言道善開能讀何爲共世人無
事相迫逐勞若問出處日暮掩茅屋

與客集和氏園

惟君遊每接自余居多暇留連上客筵欵曲中園駕賦詩芳泉側舉爵茂
陰下放心安知憂携手不能罷日氣淡將夕雲影垂方夏爲農信可憐世
自薄躬稼

曉還城休左氏莊

與君枕隄口共結東城廬日出蒼林肯回看十里餘柴門通大道村巷隔
平墟主人無事見客頭未梳累言惟農務一飯何圖蔬方嘗數來往肯
爲客籃輿

得張子家書

晚日照餘晴荒亭暗復明歸雲度深樹飛雨過高城寒芳慚當代棲遲笑
此生空持一書札長歎故人情

東原晚望蒼李馮新

東原晚望草煙齊久臥無心出路迷閒立秋風看木落獨行斜日聽烏啼

一官已謝於陵後，白叢縱開莘野西。此地故人應念我，逢人昨有數行題。

初秋谷司僕杏山別業

田廬元自接談笑，竟相從是日當農暇。秋風動客容，開尊臨積水解帶挂。常松欲去城東陌，留連聽暮鐘。

逢李淮安

懷別各千里，忽逢指寸心。明鏡不自意，故國乃相尋。寒館鳴秋雨，高城結暮陰。胡爲疇昔願，江海尚如今。

揚州門主人

空林一葉落茅屋，幾家秋對酒涼風。至開簾古樹幽，相看還自咲欲去爲誰留。正此夷門下，休猜姓是侯。

雨後有懷子延

驟雨新秋晚，微晴墟落間。悠然抱藜杖，率爾倚柴關。空罍纔容水流雲，故滿山遙知城市裏，應羨此身閒。

和汝南見過

晚日留仙轡，涼風勸客尊。偶然擊筑伴，依舊抱關門。樹落千重葉，蓬吹萬

里根病身一如此誰念在孤村

東壁偶題

早帽遶東客青門漢代瓜寧知汴水上更有野人家巾服臨秋換壺觴自
遠賒開身與逸興並何物情誇

九日登城樓宋故都門

佳節倚秋城荆曹晚相逐竊憐坎廩心蹙寓登臨目日落故鄉杯霜寒游
子服百里覽山河千年看陵谷生欣盛時康追歎亡王促帝功類九五霸
氣消百六猶能識宮觀但見登樵牧縱酒在高樓悲歌對喬木身同司馬
病懷異步兵哭舉頭望長天萬里來鴻鵠默尋階除降階去歸茅屋
友人設飲病不赴

荒村猶病臥空媿故交深復有高堂宴無如伏枕心寒郊懸日影平楚帶
秋陰向夕東城望寧知行立吟

送別蕭司勳

柴門夜語罷惆悵出前林曉日孤村映秋風落木深別來生白髮歸去換
恩心還復茅簷下朝朝鳥雀吟

偶題

久爲南畝客况此北窗時
翻笑陶元亮應多歸去辭
涼風昨夜起殘雨夕陽移
坐臥身無事茫然生遠思

曉起

惆悵空堂曉蕭條秋氣陰
懸窗對疎雨落葉滿重林
長往懷仙事端居養道心
誰知歲復晚高志莫能尋

曉出前林

理櫛聽鳴禽舉帷望朝旭
快然登前林烟芳紛滿矚
秋晴帶餘陰夜雨生新綠
道勝絕紛華情慳關幽獨
在天羨白雲凌風慕黃鵠
賞心久已違感此勞中山

夏夜同袁德延騎出宿村家

景落息炎氛輕策稍相試
微風送林木皓月臨平地
路遠忘前期情慳隨所至
田父止我宿茅屋勸客醉
起步叩天空仰對明星次
一貪雞黍筵三歎前賢意
軒冕愁束紳江海傷顛顛
且願爲老農敢謂辭高位
明發返故墟努力看身事

酬左舜齊林中冬夕見寄之作二首

霜葉落漸空
暝鳥飛俱罷
出門歲已闌
倚樹人方暇
映月眺烟郊
了自見
茅舍下有飯
牛朋商歌滿
初夜
携手自京都
歸心乃疇昔
豈不戀明恩
久持金門戟
今日故園身
幾歲空
堂文舍情亦何言
塵未挂東壁

晚出曹門北道

晚日郊關迥
寒冬筋骨勞
不知臨曠野
何事走平臯
斜路孤村引
空園亂
木高茂
闌令去臥誰認
在蓬蒿

西園再酬谷子延

茅屋還相見
冬郊那可聞
荒城連凍浦
落照與寒雲
遠樹行時倚
歸途到
處分留君
終日語
猶自日思君

谷司僕田黃門諸公見過

山林高士駕
離黍野人心
不避家貧餒
難忘歲暮尋
寒城雲際擁
晴樹雪
中深誰念平生
意
幽棲獨至今

次韻山水南見過之作

夜雪連窮巷朝來片日暉故人停驂馬問我掩雙扉自出知誰是相看能
爾稀家僮釀酒熟微伴射街歸草具成宿餼木綿對客衣歲寒心不淺日

算意難違客興催花發農功候鳥飛期君前浦汴預拈釣魚磯

晉陽稿自叙曰嘉靖癸巳余始出爲山西參政春去都縣清河沂沭歸
上蘇門山以其秋杪乃履官屬歲飢奉役往來遼沁汾潞之間無寧日
踰年冬朝京師其明年歸復自汭入晉軌轍所臨殆徧焉亡不再至者
復踰年乃轉爲湖廣按察使可謂久矣余本農夫每造山田林壑蓄志
所感慨然太息歸心萌作發爲篇詠又多戎馬邊陲之警其詩率著于
驛壁吏從旁省之都爲一卷略無去取觀之可以考歲月動定所繇自
余之出友朋亡省記余在山西者縱記之豈復知其勞且久者乎雖余
亦且忘其久何則居閒亡事優游暇豫則視日舒長今卒卒薄昔朝也
疲于應事夕則偃臥于室擾擾不知夢所之少暇不過玩日自解如此
而豈復知時久速耶夫吾且忘我而又誰之求取觀所作篇恍不自憶
雖然苟書是以視同遊庶嘗有省記余者詩凡九十首是歲丁酉仲夏

望日

歸途大名晚行

客心憶早安川塗爭晚涉水宿阻風湍宵行問舟楫時見遠村明月出荒
城燠良時余幸遭青瑣官常攝已多絳濯毀而無金張業來往路將疲出
入心獨怯夜夢守舊閒勞懷先已愜

至蘇門山

空山身氣少臨水夏雲多照影人將老愁心在夕波

權店晚行

孤城吹角罷黃昏歸馬蕭蕭向驛門衰柳更添霜後色殘流初耗雨餘痕
求田未果青山願出守仍銜紫禁恩轉入亂峰行不進投身空館寂無言

十一月朔孝義道

山城風物歲將闌行縣初因問俗安投厝漫驚遠一載趨朝尚記逐千官
烟鏤動闕天微曙火樹熏庭夜不寒久忝恩私今始悟簿書催急驛程難
文水縣驛壁讀王司僕德徵詩因和其韻

長塗無驥足短髮有漁舟感歎如同日羈牽自去秋寒歷知客意鳴柝亂
入愁屏上山川記何因認汴州

交城縣壁

汲黯匡君意，顏延出守情。憑高無處語，寒日下孤城。

至日晉府拜朝同曹仲禮

玉庭蕭穆映朝暉，圭景纒長暖力微。此日預霑新歲酒，同時應認舊朝衣。
暨開宮殿陪仙仗，端望雲霄拜帝闈。不到邊城時作吏，向來思遇未知稀。

靈石山行

長路天俱遠，高山日易昏。強餘疲馬意，垂首戀君恩。

再次權店

攝官強四月，被役乃三來。把炬尋山路，傳餐就水隈。憂荒早頭白，忍事竟
心灰。客姓途人記，官程驛吏催。梁園卽此路，何戀不南回。

禘亭聞邊事用壁間李川甫韻川甫大梁人

北來烽火震邊州，春興無聊客髮秋。得喪此身真是馬，姓名與世任爲牛。
晴天亂雪吹空糝，落日黃雲暗道周。但有鄉心隨處似，題詩人滿驛前樓。
奉酬姜侍御見贈之韻

探奇曾禹穴，能賦豈天台。長日羞知己，徒言謝上林。憂加年近老，名在毀

近來欲去猶增戀歸心寄草萊

來食定興雪中

二月鶯花少千家雨雪霏可憐值寒食猶未換春衣積水生空霧向城背
洛暉忍看楊柳色從此去王畿

定州道

夾岸新楊映廣津客行無緒獨愁人故園亦有千頭樹二月中旬返水濱
再次真定城別陳乘中時自京西還

經途雨雪涉冬春倉卒重過奈此身客舍留人酒甕熟官橋繫馬柳枝新
河山半折北來路烽火全驚西望塵別去定知頭白盡邊隅誰念一征輪
星軺驟雨中別林八南還

驛外陰雲合窓中宿雨含深巖龍自開險路馬能諳短髮星星甚長愁日
日堪休將南望淚歸傍二親談

避雨五嶺山

鳴雨斷還續連山下復高疎懶元自慣登頭爲誰勞問館投身促防崖著
足牢客程憐若此終念反林阜

再過紫巖寺

受事方從北持車還向西青林舍日影赤坂造天倪宦味何難助官程任
馬蹄蒼崖摩遍認隔族幾行題

太安阻雨有懷都下諸友

蒼花雲木變川原黯黯客愁獨掩門臥聽遠春白日靜起看陰壁綠苔繁
官名薄劣懸新侶郎署遲迴念舊恩強欲題詩報同舍便應投劾去鄉園
雨後栢井同方體易

疎館餘晴片日暉陰移高樹晚涼微自窺水檻人將老轉念山扉客未歸
天畔綠虹臨戶映風迴白雨過村稀荒庭一醉拚君共呼取村醪與莫違
宿八角

嚴更金柝起抄歲玉關寒行侶時相問邊城進更難歸心惟日夜客兵已
星殘仰悟中林羽投枝亦未安

晚趨忻口

崇峰聊極目立馬獨愁心豈直關山遠其如雨雪深笳聲先入夜邊氣迫
生陰疇昔長征意蹉跎力不禁

仲春山行

春事始過半客行殊未閒流雲開白日微雨點青山身世本遲鈍林泉當
早還煙郊草色長感此奈愁顏

三月二日交城大雪

建辰開此月上已預今朝柳絮寒應未雪花晚故飄輕盈對山榭點綴芳
芳條若伴遠愁客經春總不消

南關晚行

笳聲入晚不堪聞驛路山腰向此分洞窅空濛秋雨雪巖崖突兀石生雲
愁心胡馬方頻入寓目冥鴻定幾群歸興轉從今日盡將因沙塞著微歎

沁州張源鋪

去國三年意還家此日心天寒客路永日暮衆山深沙塞人偏老風霜馬
不禁如何更萬里投跡楚江陰

入楚稿

量移湖南用文谷韻

歲暮邊隅客歸來見此身馬蹄穿欲盡虎穴到爲鄰漳水經塗舊相潭去

路新我生登斷榭遠處任飄淪

陽曲灣作二首

間庭芳草日分長
踈雨高槐夏轉涼
一片鄉心千里目
青山無數晚蒼蒼
胡天杳杳夏吹風
涼雨濛濛夜已空
夢入梁園樵采路
覺來身在戍樓中

襄縣城東卽事

春晴汝岸曲
夜雨裴祠東
日出冥濛霧
天垂斷續虹
關梁臨水閉
馳道與山通
且夕龍輿度
千城望幸中

呂潭境

迎山望不極
况復楚雲長
萬樹含春色
孤村帶夕陽
解鞍當古戍
投袂及空堂
去國日方遠
懷君意敢忘

漢江春日

漢阜微雨點
人衣江路雨
衝鴈北歸
鷺目不堪愁
遠涉投身方自媿
高飛
纔牽衡杜多
春氣船泊雪
霞變夕暉
未許笠蓑同
楚父東遊
榮祿守漁磯

輟稿

東郊雨中東士量

閒居甘絕跡，踈雨對芳原。念欲開青眼，誰還共綠尊。林烟夢舍午，野色遠村昏。自笑平生意，無人空閉門。

秋郊雨後

空闕客秋望，虛徐步晚曛。夾門新夜雨，太室半晴雲。猿放前王地，身聞野客群。鳥來幽興愜，誰語道相聞。

題東門壁

試走夷門道，徘徊念此身。抱關空有客，虛左竟何人。

駕出

帝出南郊日，言觀黃屋尊。遙神役風伯，從樂具雲門。馳道青陽麗，宮紫氣屯。九朝祠禮祕，歸待從臣論。

赴晉渡黃河

王程不可緩，去此故園難。晚日臨晴渚，秋風動早寒。山田十畝餘，蓬巽幾絲殘。頽影真成笑，馳驅爲一官。

夏日雨後步至白石岡岡人爭迎致知余臥前村姓名

暮日長原獨客行，郊岡著眼正新晴。林懸宿雨千村似，禾入涼颿四野平。

尊酒笑從田父飲柴門靜識古人情翻愁人擬陶元亮前逕初無五柳名

秋夕憶兄

一樹秋風落澗多高天窺鳥募雙過欲將遠字愁難送正把新詩悶自歌
雲外楚山移使節雨中梁苑對耕蓑柴門此日誰憐病情極湘江萬里波

星軺驛

萬山詰曲此孤亭遠客西行暫所經生事不堪頭早白世情無賴服常青
深林落日憑軒望亂葉吟風隔坐聽寄謝蔚羅當日者高飛今已入冥冥
宿香山僧房

遽愁春草歇驅馬春山中夜宿香深處閒譚夢復同風生近谷滿月照前
湖空明日西行去回望此寺東

陳副使東

東字約之鄞縣人嘉靖己丑進士選翰林庶吉士調祠部主事改編修出
爲湖廣僉事分司辰沅遷福建提學副使改河南卒于官年三十三初會
稽董侍郎琨有愛女不欲與比兒甬川張尚書爲言約之曰陳生雖起寒
微其人才足婿也侍郎召見之垂髫敝衣膚神玉映叩之無不響應試之

詩文揮筆如雲煙侍郎大喜尅日爲婚約之脫身游外家讀書長安邸中
聲殷殷在館閣間矣入中秘與唐應德王道思諸人刻勛爲古學張桂受
上殊寵朝士咸奔走約之徃不往歲時上壽遣吏投刺馳馬過其門諸老
恨之呼爲輕薄小黃毛出之外藩投置五溪蠻夷之地以重困之稍遷視
學海更繁劇憤懣無聊再疏求去不得縱酒屬疾嘔血數升而死應德與
熊叔抑不遠數千里哭其喪于越刻其遺文而皇甫子循爲序謂早錡四
傑晚鎔二張迺軫平原晞駕康樂而唐元薦論本朝之詩則曰明詩莫盛
于弘治藝苑則李懷麓張滄洲爲赤幟而和者多失于流易山林則陳白
沙莊定山爲矚目而議者或以爲旁門李何一出變而學杜正變雲擾剽
竊雷同比興漸微風騷日遠箴其偏者唐應德也嘉靖初更爲六朝初唐
而纖艷不遑闊緩無當作非神解傳同耳食議其後者陳約之也約之初
與應德輩倡爲初唐以矯李何之弊晚而稍厭縟靡心折于蘇門以元薦
之論合于約之蘇門之序弘嘉之間文章升降之幾會更可視矣余故錄
約之詩次于蘇門之後而詳著之如此

神龍逝不返，永承淪赤山。九陰黯莫測，揚輝久矣難。握瑜抱十貴，十貴誰
不然。魏父林夜光，咄咄起憂患。楚王非賤貨，和氏坐摧殘。時議重旣甌，焉
用誇璵璠。懷璧已賈罪，況復滋琢刊。平來迺僧命，明溫以煩冤。傳語後世
人，寶器無爲宜。

銅雀妓二首

疑陵那可望，催淚復催妍。飛花銷臉鬢，拜月笑眉鈿。術令死猶愛，絨情生
自憐。無因憑李少，爲幻入君前。

銅羽遡秋風，金樓夜帳空。舞鸞君詎見，調鳳妾猶工。淚竹愁難滅，采菱歌
易窮。翻憐奈帝寵，驪下許相同。

和王員外首夏遊南內

皇家秘苑自逶迤，綠煙霄迴蔽虧。綉翠千重繁雜樹，輕絲百丈纏交枝。
當軒支石天溝取，遠逕瓊花月宇移。不羨汾陽風景麗，爲觀今日長卿詞。

高陽行二首

高陽年少事橫行，車俠由來不重生。奪得雕刀搃雪色，騎將飛馬感風聲。
北風吹隴簸黃沙，縱博千場日未斜。白劒殺人丹劒舞，笑歌踏入酒姬家。

返趙懷唐一學何體

蕭疎秋欲晚辛苦客情違龍分雙劍遠鴈阻一行歸月色明疑見風期逸
難依霜交白野合露罷青林稀羈候朝朝別寒雪處處飛茲時軫遠念憶
爾倦游非

詠神樂觀梅花

素質舒玄圃清芬最碧紗自將幽獨意不逐豔陽華避暖遲開葉凌寒早
著花瓣輕飄易隨枝曲影從斜雜雪明春砌隨風入算筇何須飛寶曆長
此奉仙家

春郊晚行

遲日出郊圻悠悠塵事稀野陰堪結蓋溝水欲流衣俠客探丸返佳人抱
瑟歸喧喧四隣夕徙倚向斜暉

夕霽對月有懷唐一編修

終日滯飛濛三徑絕來枉欄溜一以捐族雲新迴流長殘纒河出月華依
波上微微辨林柯稍稍晰塵鞅慙委僧餘法豈開更映幌草螢掠明流土
蟲疑去響命酒陶清虛解襟納新爽懷人邈不御樂來何由賞沈思永終

夕景同神宜往

都下秋雨夜飲王子長宅

關別時何屢蹉，鬢已侵。還朝明主賜，卜夜故人心。涼雨杯初覆，空堂漏欲沉。安知非夢寐，相對帝城陰。

以得上林鴈贈吏部王郎中謫毘陵

八月涼風動，雙闕嗽。嗷旅鴈，雲中發。遐飛遠響激，清音刷羽振。衣度上林天，邊結字行難。亂風裡，傳書力不任。詎意上林重，毛色抱奇區。區不察識，凌寒不借一枝棲。能鳴轉被單，絲弋逸志由來恥。稻梁歸飛耿耿背，金塘水咽驚聲疑。箭落月明避，影怯弓傷遙。遙關路長辛，苦蕭條爲向南中土。地闊山空不畏人，沙明水暖聊鳴舞。少年才客有王君，把袂愁爲失意分。南去祇應聞鴈叫，臨風好是泣離群。

禁中對雪

禁裡霏寒朔氣饒，縈風飄度薊門遙。初翻金馬疑飛絮，漸集銅龍似薄綃。百子銀題全合色，萬年花發半封條。懸開睿詔膚黃竹，佇待東曹染赤毫。

送唐子朝長陵

周王東定日虞后北巡年
虎旅陰山轉龍舟夜窳遷珠丘開白壤琳殿闕
玄泉示儉裁流木崇威迴跨邊雲中分地牀斗極應星躔弓墮天難陟冠
游月尚還光靈六聖扈警蹕八神傳南至恭明祀東曹簡上賢瞻依徒欲
贈悽惻未能宣

送李郎中謫守吳興兼簡毘陵王別駕予與李邦良王道思同飲
獲罪二君相繼謫謫而予塊然獨居京師情見乎詞

投轄本適意何言吏道侵謫承明主惠別感故交心垂耳君如驥同翰我
異禽毘陵如問訊道有式微吟

贈汪御史山居

小山卜築背孤城大隱青春早謝名門長綠蘿時挂塵溪分流水幾投纓
霜前鳥去收遺菓雨後鷓肥拾野蕒寂歷山亭無一事時從羽客話長生
春日渡潞陽

春風澹微雨了了見前川背水千家閉連山百雉懸鷺啼江上樹人散渡
頭烟此日乘流者羈思殊未捐

楚門春興

帝在青陽念八區傳聞東豫及春初鶯花二月迎纓騎龍檢千年望翠旗
衝陽刺史新除道濟北藩王已上青霄滯周南知不恨將因一得奉宸車
過武溪楊隱君草堂

清溪幽隱處白首性情閒鷓起關松逕風歸閉竹關道香堆几上味未佳
林間坐悟忘言理令人不解還

入關

海國深秋別山關入望窮人家青壁裡鳥道綠蘿中地暖收蒟蒻天寒折
桂叢嵐蒸晴亦雨瀑落靜還風靈藥緝經識託言待譯通阿咩留野老賦
食與山童直是忘機其非將大隱間

石灘

石劣不受鑿水歸時礙行卻令無說性翻作不平鳴逆折聲猶壯崩騰色
自明我行殊昧險於此獨嬰情

病中張大見過

拙疾寧爲理幽閒幸避喧解巾看吏傲罷履聽禽言霧委花餘沍風歸葉
暗翻園林蓮日意一與故文敦

過吳維新隱居

秀巷踈塵宇空空問隱淪應門兩童子拄杖一閒身下馬見深意焚魚知
久貧相看祇有笑握手更何陳

泗鼎行贈戴水部

君不見周德中衰天命變發器飄零散區縣郊廓之鼎淮泗流一沒千祀
無人收秦皇得國心忝侈虎視雄圖志未已已訪仙源並海沂遠望瑤光
浮泗水春鍾喧傳從百官羽騎連延照千里五夜齋供親祭祠萬力咆勃
鼎不起始知鑄作通神明入川尚自辟妖精披昏勞勞女可得精靈變化
固難測沒處空餘碧水泥蒸時無復黃雲色古來神物俟明君今上迎祥
日佇聞京洛芝莖日爛熳彭城鼎氣想氛氲法駕新傳下淮右待幸山川
望來久才官獻瑞何代無水伯呈祥瑞應有治河使者試上書爲言伏鼎
今何如

同李御史徐副使登廬山道中作

維丹問水境振策躡奇峯冥濛謝物外孤秀絕區中中峯連天自天直石
磴崎嶇路不極開壑空傳帝后功險壘自識神仙域探靈勞頓登捫險損

心情蒼厓忽轉萬仞云瀑水散落千巖巖深生夏寒澗複埋堯霧幽花
不記新斷石偏宜故時從樹底踐行雲還向雲中辨來路九派遙音漸細
微群樹下瞰如翔赴別有青虹照碧川香爐更在前峰前凌風揮手招五
老煙霞御在衣衿間玄寶青谿不可測紫芝白木行當餐髓出何時遇丹
成幾日還我生賸有高深意結因况復逢初地待問遠公可賣山換御春
衫作歸計

集外詩一首

望湖亭遲唐子

策策下危磴風前立小亭獨游坐超越屬思臨深冥野色向人盡一湖含
暉明雲開知日處其上峰遙輕目送鳥漸遠嘹然遺我聲相感迥無謂于
焉觀物情坐念所期子影影塵中行

王夢政慎中

慎中字道思晉江人嘉靖丙戌進士年十八授戶部主事改禮部祠祭司
上方典禮樂改建四郊道思博通典故以稱職開朝議取部屬充館職謝
弗往改吏部歷驗封郎中爲永嘉所惡謫判常州稍遷南戶禮二部陞山

東提學僉事轉江西參政河南左參政辛丑外計又爲貴溪所惡內批不
謹罷歸年五十一而卒道思在郎署與一時名士所謂八才子者切劘爲
詩文自漢以下無取焉再起留曹肆力問學始盡弃其少作一意爲曾王
之文演進詳贍特爲文宗唐應德初見之議論不相下已遂舍所學從之
皆語李中麓曰公但敬服荆川不知荆川得吾之緒餘耳其自信如此詩
體初宗豔麗工力深厚歸田以後攬雜講學信筆自放頗爲詞林口實亦
畧與應德相似云

送儀部二寅長充選送貴嬪使

春風潑蕩江如綺樓船一道通易水近川花柳盡容華爲過佳人若桃李
飾旄前路光輝擁受詔採擇復充送合相當知偃月形問祥應有懷日夢
君王正在柏梁臺歡進千年紫玉杯太史占天先入奏二星遙扈四星來

松江莫生廷韓遠來見訪比歸賦贈

文采翩翩正少年樓雲以後仍生賢已見馳聲嵩洛下却來吟眺楚江邊
扁舟泊近西淮柳客舍時沽南市酒路菓粉投駿馬前山衣寄換新鶯後
風流絕世美何如一片瑤枝出樹初画舫夜吟今客駐猿裝盡臥有人書

版刺蒙茸懷袖裏入門相訪眉間喜非才遠謝漢中郎率爾爲君行倒屣

題画

竊壁峻峭森怪立虬松天矯相攫執脩髯怒甲爭奮躍灑浙疑乘風雨入
寫蘿蒙密畫長陰雲氣淋漓晴亦溼複複礪兼藏嵌竇深空林恍聽濤聲急
在谷幽人不可招白日此中容易匿

題孫宮允園亭用馬司業韻二首

敞閣偏臨豁幽林復帶波葉繁棲鳳竹蔓結偃虬蘿吳樹三春暗江濤八
月多更憐垂釣處見鷺靜烟蓑
避地欣招隱耽幽此卜居詞華二陸後形勝六朝餘山鬼窺青管江妃扈
赤書悠然東壁下宛挂兩銀魚

柳湖亭讌遊

亭子水中洲蘭葉美載浮鷗湖當吹蘆魚跳近垂釣折藕憐絲細探葦愛
乳流更言明月好中夜尚淹留

春日永安寺山亭顧中丞招遊

烟曉雨初晞亭阜春日輝相從窮宴賞一倍惜芳菲柔草纒勝藉新條恰

挂衣謝公方愛客日暮不言歸

南康公署十五夜月

迢迢三五夜江郡影星河積水生涼氣空坐興暗歌心微千念寂室浚一燈多不酌盈樽酒其如月出何

宿湖中

蒼茫煙景晦舟楫自如家何處隨鷗鳥秋初惜月華遙心連浦雁歸夢滯江花爲客誰知者踈燈水一涯

劉函山田庄冥集同顧雍里

向晚西郊密翳然野外秋土齊含雨潤山氣帶烟流故道牛羊反前林鳥雀投猶言明月好其奈促鳴驕

晚行趙家園

川廣片帆懸輕霞欹暮天蓼花明遠岸蘆葉隱低田風起青蘋上雲歸白鳥前元多山水意對此自悠然

題徐氏溪亭二首

高亭虛出水結構若天成波蕩垂簾影窗留過嶺聲樹低看岸遠風細覺

潮平自有芳洲社，含滋日日生。
潛水日悠悠，虛亭壓水頭。
棹歌喧極浦，峯翠流中流。
每夜偏多月，長天只似秋。
更添幽事，併繫柳木蘭舟。

題張封君南園池亭

別業借思光，壺池草木香。
玳梁棲燕子，錦石戲鴛鴦。
荷密魚難聚，花繁鳥易藏。
如何堪比勝，金谷在河陽。

挽周蹟山周以諫杖死

降魄茲鄉返，精魂何所依。
芻靈疑榜吏，幽域訝圓扉。
白日終無照，青春更不歸。
天心垂涕泣，寒雨載途飛。

挽蔡司成夫人丁氏

借老顛嗟，迷茲辰遂並歸。
劍從泉底合，燈向地中輝。
山雨沾客袂，江霞變闕衣。
如雲車馬從，其奈昔時非。

送蔡東洛赴銓改官

寒氣驚嘶馬，離人起戒晨。
清霜沾勁草，修坂滅流塵。
爲吏偏衣舊，謝官行李負長安。
留滯處當路，欲何因。

朔日昌平城登覽

宿雨山城淨曉暉高樓凭眺思依依仙人枕上雲初散白馬關西雁自飛
古木寒鴉啼朔霧荒陲遲日上征衣天山直北誰傳箭目斷秦兵未解圍

金山雜詩

既定陵前栖夜鳥盤林鬱鬱鎖松梧總聞再造驅戎虜不見千官拜鼎湖
內使司香關寢殿祠臣常祀掃金鋪翠華縹緲空中度絳節靈應群帝俱
江上送毛太守入覲因寄舊遊三山諸友

念別須臾已歲餘忽逢江上意何如心悲不語傷時事眼看雙分畏簡書
遠水片帆天際沒晴窗古木岸邊疎故人相見倘相問芳草間門是謫居
送郭世重出守南寧

朗寧荒絕不堪栖遊客思鄉轉路迷千嶺張昏知瘴起四時不斷有猿啼
編氓半是居蠻峒行路相言避毒溪十載拖遷仍實遠好憑鬼卜問南雞
移居

栖栖微祿豈謀身擾擾移家學避人高柳欲栽當外戶青山依舊借東鄰
門無車馬何須僻窓映圖書不爲貧籍繫中朝心在野誰知陸地有沉淪

登江東城樓

花片飛飛柳色深，登樓一倍攪鄉心。
長隄煙草迷人去，遠寺斜陽帶磬沉。
江水無風時起浪，春雲不雨每成陰。
躊躇滿目誰相會，惆悵前林倦翼禽。

省中

古木陰多鷺亂移，白雲不去伴留司。
侵階草長開終日，拂印塵深鎖幾時。
散地非才容吏傲，低頭寸祿令人悲。
頗耽恬曠頰歌枕，僕從翻嫌出省遲。

哭梁宅之

天道蒼茫不可知，重泉寂寞所從誰。
祇餘蘭氣芳華省，獨有螢光識敝帷。
無使六書忘舊草，何人脫劍贈枯枝。
蕭條落日門鄰遠，淚盡無由世上期。

寄錢洞泉以假事在嶺南

輜軒更爲遠遊輕，原隰光華阻使程。
莫遣衣當犀瘴減，遙知句向屨樓成。
閒探仙籍朱明洞，弔訪圖經趙尉城。
共說交南多寶玉，飲水心膽自孤清。

紫駱馬

朱汗四垂碧玉蹄，韁絲陡勒不勝嘶。
長安陌上催花雨，萬樹紅英踏作泥。

薊門行

置酒軍中舞又歌雪花偏向前門多醉來欲取平胡印報道天驕已請和

涼州詞

莽莽平沙雁不飛馬頭誰復寄征衣欲看春色惟憑柳柳葉初青春已歸

滄州道中寄蔡道卿

冷冷風舉碧羅裳一曲焦桐月在牀寂歷寒波兼墜葉不知何處是瀟湘

茗溪舟上懷蔡可泉

岸花天水備芳鮮愁思看時倍慘然幾欲將愁寄流水茗溪又不到桐川

唐僉都順之

順之字應德一字義修武進人嘉靖己丑會試第一人授兵部武選主事改
吏部稽勳調考功嘉靖初更制取外僚入翰林改翰林院編修移病乞歸
承嘉慈其遠已票以原官致仕皇太子立簡官僚起右春坊司諫與羅洪
先趙時春上疏請朝東宮奪職爲民甲寅倭寇躡東南用趙文華薦起職
方郎中巡視薊鎮還視師浙直又用胡宗憲薦起拜僉都御史巡撫淮揚
力疾巡海卒于廣陵舟中崇禎初追諡襄文應德於學無所不窺大則天
文樂律地理兵法小則弧矢勾股壬奇禽乙刺鎗拳棍莫不精心扣擊究

極原委以資其經濟有用之學晚而受知分宜俾力行間身當倭奴轉戰
淮海受事未幾遂以身殉可謂志士者也正嘉之間爲詩者踵何李之後
塵剽竊雲擾應德與陳約之輩一變爲初唐於時稱其莊嚴宏麗咳唾金
璧歸田以後意取辭達王李乘其後互相評砒吳人評其初務清華後趨
險怪考其所換若出二轍非通論也爲文始尊秦漢頗倣空同已而聞王
道思之論灑然大悟盡改其少作其語詳載文集序中不具列于此

寄周中丞備禦關口

牙旗高建白羊東鼓角殷殷瀚海空雪後錦裘行塞外月明清燭滿樓中
幕南王部思歸義薊北諸軍盡立功燕領書生人共羨一朝投筆去平戎
張相公壽詩

帷中運策九州清共說留侯在漢京賜第近連平樂觀入朝新給羽林兵
儒生東閣承顏色酋長西蕃識姓名却望上台多氣象年年長傍紫宸明
奉命分祀孔廟作

後聖禮先師斯文端在茲將陳百官富詎止一牢祠入室瞻遺蹟圍橋展
盛儀樂甚三月聽冥想兩楹時執燔元公肅捧璋髦士宜節儒叨小相端

甫奉前規

同院僚觀閣中牡丹作

西掖衡連翡翠城，籠煙裊霧百花明。
祗調紫薇方吐萼，忽言紅藥已敷英。
紅藥歲粧艷盛陽，萬年春色在文昌。
字同鄴下芙蓉苑，詎比雒陽桃李場。
裁成異瓣千般錦，纈就同心一樣黃。
金閣披時渾是画，綺樓凝處并疑粧。
濯枝故向鳳池上，裊露偏依仙掌傍。
仙掌嶙峋對鳳池，詞郎侍直覽鸞齊。
玲瓏三瓠花間映，飄曳羅衫葉下迷。
花間禁下情無極，含笑含嬌似相議。
羞將鷄舌聞馨香，故取鵝冠並顏色。
翠幕分看熊轉新，朱欄斜倚不勝春。
未採孤根助靈液，聊持芳盞贈佳人。

贈南都莫工部子良夏至齊宿胥中

萬乘親郊幸北宮，千官齋祓兩都同。
靈光正想泥封上，清夢還依葦路通。
烟散玉爐知晝永，星分銀燭坐宵中。
問君已就汾陰賦，猶向周南歎不逢。

元夕詠水燈

正憐火樹開春妍，忽見清輝映夜圓。
出海蛟珠猶帶水，滿堂羅袖欲生寒。
燭花不礙空中影，燈氣疑從月裏看。
爲語東風暫相借，來宵還得盡餘歡。

趙州懷古

千秋霸業泐沈沈，盡風俗猶傳趙武靈。
市上美人揮錦瑟，場中俠客解青萍。
雁門北去通沙磧，烏道西來入井陘。
欲向平原訪公子，蕭蕭賓館戶長扃。

午日庭宴

兩薰應律轉朱旗，大帝乘離錦席披。
榴吐千花承羽蓋，蕢開五葉拂瑤墀。
冰盤錯出仙人掌，金縷遙分織女絲。
復道龍舟方競渡，銜恩共許向昆池。

陳渡艸堂

草衣非復漢庭郎，敝緼深冬臥草堂。
貧薄不羞羸犗計，沉浮也逐閒雞行。
殘書閱盡經旬病，異味嘗來百草香。
獨愧頑心猶未化，十年學道義亡羊。

丹陽別王道思

久已廢逢迎，蕭然世外情。
因君訪茅屋，相送到江城。
遠岫雪中綠，寒流冰下行。
可堪此時別，獨自返柴荆。

宿遊塘齋懷

雨過草木好，夜來池館清。
露蟲疑燭影，風樹蒼書聲。
似飶甘無用，爲羶厭有名。
且師河上叟，母使慮營營。

遊陽羨南山

到處暗杉松多言路不通却從青嶺外轉入綠園中谷口逢茶女溪邊仰
釣童勿嫌疎散其吾亦是愚公

題金山寺與僧惠傑

何處尋龍藏停撓聽梵音中流一塔影遠樹萬家陰僧定潮來去月明江
浸深試將空水相堪比慧公心

暮春遊陽羨南山二首

洞口石縱橫流泉復有聲柴門何處入雞犬自相迎靈草知昏曉時禽識
雨晴非因罷官久誰得此閒行

花落已成蹊村村綠葉齊一園通蝶戲千嶂隔棋碁隔澗草多名惠山人舊
姓枯窮歎猶未返忽是夕陽西

送白尉往湖州

君家太湖北作吏太湖南驛路雞鳴近山城樹影含萬川疏沃野百室競
春寬幸此猶吾土微官也自堪

山莊閒居

身名幸自謝籠樊，白首爲農誓不諼。慣住山中知鹿性，數行樹下識禽言。
市車每許隣翁借，書帙閒同道士翻。醉後漸看松月上，滿村雞犬寂無喧。

再遊清溪莊值主人不在次韻

桃樹臨溪思不禁，扁舟重問草堂陰。西湖水落龜臺石，南國霜清橘柚林。
壑際流泉宜稻性，窓前過鹿解人心。憶君藹徑相迎處，今日蓬蒿又已侵。

題龍池菴

相傳伏虎禪僧開山處，山頂有龍井，蜥蜴見則雨。

遠遊爲訪白雲巖，轉盡孤峰路更南。龍見小身時出井，虎馴大士舊開菴。
禪心客思俱潭水，古佛寒松共石龕。坐對老僧無一事，夜深相與說楞嚴。

贈菴中老僧，僧解相人術，少嘗遊歷江南，晚歸菴中。

早從祝髮事棲巖，爲禮名師每向南。翻轉業淨六根成慧眼，身無一物寄
郊菴。厨邊引澗寧須汲，松下翻經幾利龕。若使焚香能證道，前身應說是
香巖。

同萬鹿園宿工文菴次韻有贈

何處尋山不厭深，淡煙歸鳥暮鐘音。去家百里訝如客，別爾經年尚此心。
冥坐清香滋夜氣，閉門殘雪映寒林。相從一宿應堪覺，機事何須問漢陰。

贈督府張半洲兼柬周中丞石崖

威名昔日動南荒，斧鉞重分定海疆。八鎮大臣承節制，六千君子備戎行。若營內險無如海，但練沙兵畧用狼。師老寇深爲日久，佇看石畫一更張。

贈都督萬鹿園二首次思節韻

幾年枯寂學全真，一握兵機運鬼神。驕養義兒皆判死，灰心禪客亦投身。獨承利鏃生如剗，偏散黃金家益貧。直欲填橋跨滄海，先聲萬里走波臣。寒宵清嘯雜征鼙，撫劔劉琨本善詩。開幕待降收死力，隔江遣謀刻還期。功須因敗番成巧，算恰當機不見奇。長子帥師今在爾，道傍築室莫輕爲。

贈俞虛江參將三首

將軍意氣夔無倫，感激寧辭血戰頻。手搏鬼夷嘗百種，身懸鯨海歷三春。掃空巢穴多深夜，奪得艚艦祇數人。此日渠魁當授首，策勳早見上麒麟。昔破交夷尚少年，秘經曾自白猿傳。一軍盡畧滄溟裡，百戰常居士卒先。龍爲求群窺劔匣，蜃因吐氣護樓船。尋常齧齒非無爲，不盪三韓誓景旋。絕島諸蠻次第芟，中宵蓐食理征衫。膾通木井三年水，檣轉銅烏萬里帆。軍斗稀鳴人莫犯，身衣常解士爭銜。功成他日誰能領，海上磨崖大字欣。

楊教師鎗歌

老楊自是關東客，短衣長軀棗紅面。千里隨身丈八矛，到處尋人闢輕健。
謂余儒生頗好武，一揖滾滾發雄辯。辭坐驚平地，起波濤蠕蠕龍蛇手中現。
撥開雙龍分海嬉，撥兩蛇合穴戰。爭先儘教使機關，縮退誰知賣破綻。
自上中眉註傳猶自晒，綿中製鍊那能見。滿身護着不通風，百步攬來激
流電飛上落下。九點九放去收回，一條線間君何爲。技至此使我馮軒神
駭眩，苔言少小傳授時。五步七步畫地踐，邈來操弄三十年。渾身化作枯
樹籜，心却忘手手忘鎗。眼前只見天花旋，乃知熟處是通神。解牛斫輪安
足羨，因君亦解草書訣。君鎗豈讓公孫劍。

峩眉道人拳歌

浮屠善幻多技能，少林拳法世希有。道人更自出新奇，乃是深山白猿授。
是日茆堂秋氣高，霜薄風微靜。枯柳忽然然，豎髮一頓足。崖石迸裂驚砂走，
丟來星女擲靈梭。天矯天魔翻翠袖，神含沙鬼戲人髮。意磨牙鬚捕獸
形人自詫我無形，或將跟絰示之肘。險中呈巧衆盡驚，抽裡藏機人莫究。
漢京弄撞未趨捷，海眩人空抖擻。奮身直指日車停，縮首斜鑽鍼眼。

折連腰盡無骨一撒通身皆是手猶言技癢試買勇低蹲更作獅子吼
興關領影却自惜肯使天機俱洩漏餘音未竟已收塲鼻息無聲神氣守
道人變化固不測跳上蒲團如水藕

日本刀歌

有客贈我日本刀魚鬚作靶青絲綆重重碧海浮渡來身上龍文雜藻苻
愷然提刀起四顧白日高高天罔罔毛髮凜冽生雞皮坐失炎蒸日方永
開道倭夷初鑄成幾歲埋藏擲深井日淘月煉火氣盡一片凝水開清冷
持此月中斫桂樹顧兔應知避光景倭夷塗刀用人血至今斑點誰能整
精靈長與刀相隨清宵此見夷鬼影邇來韃韃頗驕黠昨夜三關又聞警
誰能將此向龍沙奔騰一斬單于頸古來神物用有時且向囊中試磨穎

海上凱歌二首贈湯將軍

假旗休角寂無猜百丈樓船泊不開夜半賊營流矢滿纜驚漢將是飛來
錦紉愛子亦從軍長鬣蒼頭總策動誰奪強王萬金首帳前齊說小郎君

南征歌六首

詔錫彤弓出禁城良家六郡總從行將軍舊佩平蠻印校尉新開橫海營

漢皇有道伏羌山以南粵何知擅一隅萬里出師將問罪不因大海當明珠
月明吹笛武陵山馬上行人望點鷓鴣莫怕炎洲饒毒蕩一冬飛雪似胡天
草木千山鼓角風將軍牧馬夜郎東靈臺向夕占星色已報撥捨海中
祥河南去吼峯迎滇海藤江一帶懸纜謂蠻封堪畫地不知漢將若從天
奏凱歸來拜冕旒霍家襖祿更封侯因風爲報單于道漢闕方臬越尉頭
塞下曲三首翁東厓侍郎總制十首

四月旌旂出白狼千山晴雪照油幢預知水草軍無乏試辨風雲虜欲降
三晉連年苦被兵九重拊髀憶豪英詔書更不從中御萬里長城一委卿
千金買士却何爲一聞過於十萬師點虜欲逃頭可購名王未獵客先知
太師昔日定南荒親把長纓繫莫王寄語老胡須自愛射飛休得近邊牆
梯懸半徑哨臺高胡漢鄰家隔一壕數日虜中無動靜吉囊東去戰黃毛
虎翼龍蟠大將旗逆驅流電走妖魍陣前捉得胡王女賜與營中廝養兒
健兒白馬紫金鞦不向沙場使酒樓夜來一賭青錢盡尚有囊中血滿樓
邊人大半能胡語胡騎年來亦叢裝誰向青紅羶帳裏單身縛得不花王
少年意氣王千斤鐵棒曾穿萬勝群壯士從來不病死孤兒今屬羽林軍

君侯生長在炎洲，塞外層冰草木愁。祇憐軍士猶寒色，臘盡轅門不御裘。

古北口觀降夷步射復戲馬馳射至夜
古北有降夷十數家男婦可四五十人並湖河墜內居

潮河北來幾千里，夾岸穹廬雜軍壘。傳聞漢官旌節至，驚咄歡迎競羅跪。
抹額貂皮并繫腰，胡婦赤脚胡記屨。中有老胡能漢語，辮髮一條銀鼠尾。
告言天暖弓力弱，箭梁乞移三四。起胡語射胡語而能胡語射胡語也。
腰擲目滿彎弧箭，箭齊奔月兒裏當。斬賜與錦纏頭，漢人喝采胡人喜。
自矜長技正未竭，一躍上馬事馳突。珠帽半友賣，敵邪錢驄騎嘶弄蹀。飢可
憐人馬如爭巧，人藏馬腹馬人立。翻身倒臥馬背上，馬尾鬚鬚亂人髮。忽
然馬去不聞聲，一路驚塵向空沒。滿眼流星透烟霧，道是胡兒飛箭發。想
見天山射鵬時，意氣雄豪誰可越。騎歸人散悄無諠，卸却牙旗捲秋月。

山海關陳職方逸登觀海亭作

萬里群山盡海頭，誰築關城控上游。巨靈劈山鬼鞭石，英雄竹事與神謀。
此關餘木壓蛟龍蟄深窟，陸斷豺虎潛遐阪。司馬分符來作鎮，坐銷奸宄
護神州。夜半鳴雞空獻計，橐中置人仍被搜。深秋邀我觀海樓，冰潦初清

海霧收風恬浪細魚鱗起隔岸隱隱見東牟百年海禁頗嚴雷煙波莽闊
無行舟聖明弛禁濟饑窘艚船人似米船銜尾浮群鷗百船到岸一船
覆大利小害誰能周遊人生不識舟楫雲帆錯拚其上旂午炊且飽盈瓶
粟夜臥免唱量沙籌幾時醜虜忽東徙遄前驛然剛不休關外胡笳關內
拆婦女乘障夫虔劉鴟蹲蝓食安可長瘼肉不剪成懸疣會須驅逐遠漠
北安得猛士挺長矛昔人失却榆關險腥穢中華千古羞

喜峯口觀三衛貢馬

貢道走東胡關門控北都每逢金鏡節來獻五驄駒首長花當後山川松
漠紆天衣沾蚪蚌國馬出駒除乞賞探隨祖專兵婦代夫珥璫珠錯落
解錦氍毹繁舞呈鞞韋侏言野象胥白狼回右衽黑水作通衢

明堂端拱日王會正堪圖

石塘道中

高城落月雁飛斜數畝沙田稻亦花路繞曲河十八度人接碾石兩三家
堠烟山靄爭明滅戍笛秋聲井慘嗟聞道松亭遺探騎時時愁被燕夷遮
古北口城此城雄據山頂蓋徐武軍之經畧也

諸城皆在山之竅此拔冠山如鳥巢鼓角千峰虎放散漢胡一路犬牙交
縮嶼文一道嶼地與虜 熟夷生虜窟番覆怪石崩川爭怒號到此令人思極

士天山萬里縱鳴笳

宿黃崖營

樓樓終日旅邊城夜向黃崖問古營幾家戍鼓漁陽慘聯騎鏡歌前北行
猶鶻總舖北峽東雨湫高怒水山凹樹竅激秋聲躍馬壯年徵志在不隸
此地守心驚唐人萬門詩云燕人一去苦心驚又反其言以為結

曉發喜峯

客心流水與爭馳寒壘疎星度峽時未返王孫猶草色初來戍卒是瓜期
去鄉祇覺蟬聲似出塞方知馬脊危辛苦下情心計遠早年曾誦采薇詩

入秋久矣餘熱尚在閏月十五日太平寨始見秋色

漫漫嵐氣半晴陰城庭柯葉亂吟始覺孟秋雲物至因知宴歲旅情深
孤鳥形跡寒巖草鳴咽聲連野戍枯戈甲滿山乘塞卒天驕何處欲相侵

夜上石塘嶺關

白河入口石塘城上流元自古關平巖立星辰孤墮影野清刁斗空傳聲

戍樓倚月橫吹動虜帳燒腥遠火明魏將殞身會此地邊人話及尚沾纓
正德未魏參將祥被難於此

月下小坐書懷

滿庭圓月坐孤松聊息塵機長道客任俠早知同
画虎談兵晚更笑屠龍
支離避疾猶分粟泝泝乘時亦請封
蕙帳故山應待久尚從長樂聽鳴鐘
寄姜白二子

日閱軍容夜馬蹄孤懷猶畏簡書稽
眼中親識皆夷貊夢裡經營亦鼓鼙
畫省薰香行載橐石渠校籍坐然藜
寄語雍容鳴玉子可能相念到遼西
副總兵馬芳芳陷虜中十二年而歸在虜中亦稱爲驍將

穹廬元以射雕稱一騎常先萬馬騰
意氣肯甘胡地老勳名終屬漢壇登
所殘右臂方揮刃殪盡追鋒未釋冰
婦自虜中還破虜古來名將亦誰曾
順義公館次壁間韻

虜入山前山後州控弦萬騎此屯留
四郊壘壁猶餘警十載瘡痍尚未收
野長蒿萊仍課馬兵僉子弟更防秋
使臣多愧詢民瘼自詠小東誰爲酬
羅贊善洪先

洪先字達夫吉水人嘉靖己丑進士廷試第一人授修撰進左春坊贊善疏請預定東宮朝儀忤旨罷爲民隆慶初贈太常少卿謚文恭達夫罷官後杜門講學攻苦淡鍊寒暑辮弓躍馬考圖觀史以經世爲己任年垂五十絕意仕進默坐半榻不出戶者三年事能前知人奇而問之曰偶然耳聞唐應德訃哭始下榻卒六十一疾作危坐斂手而逝於詩文取材不遠而託寄可觀時人謂其早經廢棄久處民間徃徃深于致情易于興感殆亦近下言志者也達夫没人言其仙去不死又數言見之燕齊海上蜀人馬生好奇恢怪之士也余遇之京口謂余曰念菴先生不遠數千里訪公于虞山得無相失乎余歸問之果有西江老人衣冠甚偉杖策扣門不告姓名而去

昭君詞六首

長秋纔引到簾前名姓誰知外國傳記得君王回盼處詩令相識不相憐使臣何日發長安乍到邊頭可奈寒多謝監宮煩慰藉得思何似得時難愁向胡天別塞垣一聞南雁一銷魂妾心縱得隨明月解近君至不解言鵲鵲泉上鬪殘殘滿地黃雲覆草寒遇得花枝那忍棄棄時容易遇時難

馬前雙鬢海東青，掄得哀鴻不忍聽。我欲南歸無羽翼，問君何事處隨庭。
黃金縱買毛延壽，玉貌當如薄命何。多少佳人愁顛顛，算來不屬畫圖多。

歸田

疎賤何心與物情，酸盧歸去正蒿萊。灌園漸解憎多事，種樹方知養不才。
手錄道經開自誦，門臨秋水晚晴開。過從亦有隣翁語，又喜寬租詔令來。

石屋贈彭翁名替常州守

先生豈無慕終歲，臥丘樊傍石結山。屋爲圓近水源春，來時抱犢月出自。
開門再見三年後，嗒然忘忘所言。

挽羅汝奎兄弟

白雲已逐水東流，空有啼鵲送暮愁。窮巷誰趨凡鳥在，殘書應伴蠹魚休。
雙墳寂寂青峯雨，一夢悠悠素草秋。爲見桃花倍惆悵，春風何事不相留。

聞虜犯保定

天險飛狐道，人傳戎馬過。桑乾不可壅，三輔竟如何。晚戍烽烟隔，秋郊首
藉多無才資，理亂擊劍自悲歌。

雙江公分粟

一室蕭然不恨貧，生平意氣耻謀身。三年獨學非緣穀，八口爲家半仰人。博奕無能悲向老，輕肥與共媿推仁。盤餐何敢專來賜，分少還期徧比隣。

壽外父太僕曾符翁時年七十九

十五年前學二疏，九疏致仕十五自甘白首棄金魚。閒推易數因留注，懶對鄉人故索居冠制。喜從周禮後，云職職縣縣人材愛說孝皇初。伏生強健斯文在，暇日頻來問尚書。

重別何謝二子羅漢寺

寒催歸思欲辭君，去去臨岐不忍分。言向同心那有盡，酒當垂別自難醺。岸邊斑竹初收雨，江上青山已散雲。此地知君重往過，定攀庭樹憶離群。

別荆川

懷君歲歲苦相望，一月春風去住忘。臨發幾回留解橐，無言還似待傾囊。幸俱見索形骸外，恨不同生寂寞鄉。家住名津書易寄，莫緣諱姓懶題將。

訪隱原

入谷無機事，邀逢任所之。獨沿溪澗往，忽至夕陽期。峯影遙能辨，松陰坐屢移。順來山下宿，殘月二更遲。

東萊洞壺

江南烟艇十年餘，鼓柁寧嗟未得魚。
淡水荻花間自照，虛庭蕉葉卷仍舒。
子桑無用悲餐飯，仲蔚還知愛敝廬。
惟有故人稀見面，篋中時檢舊來書。

訪兩峯師泉梅園三舍山中

二月松華未上枝，石橋流水去遲遲。
東家酒熟西家醉，山下客來人不知。

李將軍歌

五溪西南山刺天，千盤萬壑幽且堅。
嵐腥水毒不可渡，昏昏白晝沉烏鳶。
帝京三苗曾此地，或云槃瓠居仍傳。
魑魅過從喜得侶，山川威召生何偏。
窄衫綉鞵號鬼國，腰鎌挾笏親農田。
邇來眺梁仁楚塞，下令用兵垂十年。
武陵屢秦南征曲，畢口頻移上將權。
已聞調發牽兩省，況復節制同三邊。
未見瀘水走孟獲，空留銅柱鏤文淵。
將軍肯出西平王，忠武世業何煌煌。
生來相貌似熊虎，口談韜畧虬鬚張。
往時提軍入鎮筸，叱咤諸蠻如犬羊。
時危正藉酬恩力，志奮寧須絕技長。
卽今頭銜比都統，兼報開府臨辰陽。
胸中礪鬼窟，群策胡爲噤不呻。
其吮豈欲萬全報，天子伐心在謀不在強。
老我無能抱圖史，染翰濡毫發語狂。
擬作五溪旋凱賦，且待將軍投報章。

春遊

春日川原曉望濃，南山色翠重重。劉伶遊計常携鉢，陶亮歸期每候鐘。
四壁有家還似寄，一身多病遂成慵。臨溪欲問漁郎路，落盡桃花但古松。
丙辰十一月六日與甫田洪元修王生養明族叔爾相族弟惟亨
至洞別去幾二年矣慨然有懷

巖栖擬遠人間世，翻爲山深到日稀。石室雨苔還繡几，洞門秋草欲鈎衣。
舊隣幽客穿松至，幽鳥驚人遶竹飛。留謝烟霞寫青壁，此身來去本忘機。
寄朱鎮山中丞巡撫山東

青春瓊樹麗彤庭，玉斧登臺影未星。日近秦山多曉色，風行東海少塵冥。
得年不用移齊粟，考牧還聞頌魯駟。旗撫正資清靜理，片言肯向蓋公廳。
有喜

憶昔暗塵辭旅舍，三更羸馬踏冰川。豈知食養言仍鄙，猶幸垂楊臂可全。
萬車升沉千慮外，幾人離別廿年前。風波乍息漁舟起，誰向滄浪共扣舷。

新正

隣家爆竹五更殘，虛閣深松一榻寒。花勝又將春色至，蒲團只共道心安。

篋餘荷屨身同葉，囊入新詩客未看。
已說場師重梧楫，後園須更補闕干。
京首書數至。

無能自合老幽居，語及憐才只愧予。
盡道惡聲魔仗馬，豈知煞影縱淵魚。
山中一飯嗟誰力，憲下多年伴古書。
黃葉乍飛紅蕊發，春風何意費吹嘘。
官軍歸段都關所將者，兵四百無一人。
援白沙老。

官軍四百數不足，衣甲鮮明好皮肉。
朝遊江上簇軍營，夜向城頭攫人屋。
縣官供應間遲速，虎符日日相迫促。
白沙鄉兵掣奔突，兵家勝負多番覆。
月落荒村鬼夜哭，橋頭一炬明於燭。
功衣誰作招魂曲，鈴閣將軍睡方熟。

永市七月朔

晚燒色何赤，愁如烽火然。
幾人家尚在，百里信難傳。
夕鳥孤飛處，秋山斷影邊。
攬拾何日掃，不敢問還天。

送女兄夫周龍岡

結茅依野樹，巷僻少來車。
落葉滿庭下，寒山半雨餘。
忽言京邑去，因憶貴交疎。
問訊休相及，爲農久廢書。

後園

南村雲雨北村晴
晴鳩雨鳩更互鳴
東風吹雨衣不濕
我在桃花深處行
歲算有懷孫公

野郭風煙歲又除
迢迢憐爾鬢毛疎
縱紫尚幼身難代
鮑叔相知力不如
醉酒但期強健在
沾衣時憶別離初
飛霜暈日千年事
樹葉隄前屢屢書

山中雜詩

問我家何在山深
多白雲岩前泉溜
下對語不相聞

任司直翰

翰字少海南文人
嘉靖己丑進士廷
對獻替剴切天子
親題其制策一旦
名動天下與羅達
夫唐應德相上下
已而自吏部考功
主事補春坊司直
兼翰林閣討于是
與應德陳約之本
伯華肆力爲詩文
無何皆被謫去少
海閉門讀書時從
幽人文士徜徉山
水間道士彭幼明
告我曰少海入青
城山遇異人授鴻
寶修煉秘法家故
貧盤盂益益皆點
化承銀爲之煥然
滿室雖陶猗不是
過也同時熊過叔
抑亦好道家服食
煉形之書私請篋
衍者家人莫得見
晚年目盲世廟購
求符法秘書蜀撫
臣訪之熊氏叔仁
給其家舉所藏悉
焚弃之至今蜀人
談玄怪者皆本任
氏熊氏

元日禁城十八韻

御律迴天紀宸歡被物華才人矜六博貴主狎長斜
狗監通侯第難闕內寺家金鋪明屈戌寶勝照流霞
闈舞文姬妙徵歌小玉嘉雄城森列戟武帳匝高牙
建禮中郎署鈞陳上漢桂鄒枚專代草房魏並宣
麻都護弓捐月嬋姚劔拂花呈威清虎落朔氣淨龍
沙包貢通變表朝正度海燧陳人藉靈龍弭節奮幽
遐畫省新休沐青門舊種瓜星精耀五緯澤國貢三
巴簡受文園賦丹飛勺漏砂棄繻終帝闕伏枕即天
涯鷹尾長門賜詞頭近侍誇草玄或不愧音賞賴侯
世

宿州陳愚猛士歌

君不聞夷門老生破萬卷白首不入明光殿南陽屠沽提數兵轉盼揮戈
下百城桃哀國士兩丘土鄧霍元功千載名清朝明主重文事七聖臨軒
親賜制暉章坐閱董南書函博學歸燕許第武皇末年收官軍上意不喜
談空文江東諸兒始講武撻箭颯沓愁胡雲宿州陳愚萬人敵陰山射鵝
回霹靂野戰才空百將壇名家世捧降王檄腥風西吹酒泉郡胡沙犯月
三重疊安得突出一騎殺萬虜生奪班超虎頭印

病懷

海甸逢南菊殊方也自花江淹新臥病王粲老無家皓月千門夜秋風雙鬢華還持石函記勾漏訪丹砂

留別岐州崔千戶

岐侯拔劍舞清宵秋滿樊川萬木凋老去自吹秦箏築西征曾比漢嫫媠玉關許割桓伊郡宜室難容買諶朝莫遣音書太寥落世情人事正蕭條

五丁峽別衡崑

峽天頂嶺萬山秋御宿相逢轉別愁後會知誰先白髮清時勞汝問滄洲胡牀對月此村夜霜杵擣衣何郡樓聞道西京最蕭瑟可堪歸路曲江頭

請陵望幸

聖華巡幸寢園通甲帳旌旗御氣中河嶽萬靈隨駐輦衣冠千仗扈行宮詔傳梁甫親埋璧聞道潯陽自射龍海國天吳莫愁思聖躬還似厭東封

陳使君招飲閬州王宮

使君張樂前王地廢殿秋生淨綺羅蟲網階除聞玉馬棘林風露見銅駝霓裳舞屣變成舞畫舸鳴榔百丈過正自獨愁愁不歇江關蕭瑟聽驪歌

李少卿開先

開先字伯華，章丘人。嘉靖己丑進士，授戶部主事，調吏部，歷文選郎中，擢太常少卿，提督四夷館，罷歸家居。近三十年，隆慶戊辰歲卒。伯華七歲能文，博學強記，弱冠登朝，奉使銀夏，訪康德涵王敬夫于武功，郭杜之間賦詩度曲，引滿稱奇。二公恨相見晚也。嘉靖初，王道思、唐應德倡論盪洗一時，剩擬之習，伯華與羅連夫、趙景仁諸人左提右挈，李何文集幾于過而不行，雅負經濟，不屑詞文。士在銓部，謝絕請託，不善事新貴人。已遷太常，會九廟災，上疏自陳，竟能婦婦而治田，產詩妓徵歌度曲，爲新聲小令，擗彈放歌，自謂馬東籬。張小山無以過也。爲文一寫輒萬言，詩一韻輒百首，不循格律，談諧調笑，信手放筆，皆自序閒居集。曰：年四十罷官歸里，既無用世之心，又無名後之志，詩不必作，作不必工，自稱其集曰：閒居以別于居官時苦心也。所著詞多于文，文多于詩，改定元人傳奇樂府數百卷，覓輯市井豔詞詩禪對類之屬，多流俗瓊碎士大夫所不道者，皆謂古來才士不得乘時柄用，非以樂事繫其心，往往發狂病死，今借此以坐消歲月，暗老豪華耳。世宗皇帝幸承天命，少傅霍繼巡九邊，議自遼東始，伯華請

間曰京師密邇邊塞藩籬單弱虜威迅可至今車駕在江漢公奈何遠去
京師令緩急不相及豈主上倚任之意乎公宜往自宜大次及諸遊此聲
實相副萬全之畫也翟公變然拊手謝曰老詩不知大計微若幸救幾失
之卒改行如其策曾兩使上谷西夏訪問軍情苦樂武備整廢慨然欲以
功名自見罷婦衰老不勝慨歎作塞上曲一百首又通集古人塞上詩爲
一編其老而益壯不甘自廢如此

高村翁

家世本山丘事業惟田疇經年一到縣半生不到州赴齋乘牝馬宰社推
肥牛燠乾一雨足談笑復歌謳多收十斛麥心輕萬戶侯黍穀婦倉廩高
聲便唱鷓鴣聲不會看何以辨春秋花開是春種花落是秋收晦前月如
盤朔後月如鈎胸中無別慮身外復何求吾惟肯作吏浸淫有智謀若是
終田舍此老共爲儔

歸休家居病起蒙諸友邀入詞社

諸友俱能作如吾何所知強推爲會長深愧不相宜玉樹多悲調竹枝亦
俗詞口占南北曲卽席付歌兒

范張二姬彈箏

琴瑟小雙鬟揚箏特入玄雁排金粟柱
鶴唳紫絳絃靛兔肩郎顧音由秦
女傳席前看指撥纖手更堪憐

春夜

竇鴨香初泛銅龍點漸加睡輕聞雨竹情重惜風花無聲梁間燕未啼城
上鴉春宵太寂寞歌枕待朝霞

春日雪宴

雪宴聚名姬旋教春雪詞歌喉雜鳥弄舞態蕩蛛絲樂歇呵纖指軒明映
玉肌烟花聊寄興良友莫相疑

鞦韆

索垂画板橫女伴鬪輕盈雙雙奏弄玉箇箇許飛瓊俯視花梢下高騰樹
杪平出遊偶見此始記是清明

早春卽事

柳牛青黃葉欲舒雪殘又是雨晴初帶耕且讀陶潛傳種樹頻翻郭橐書
每撫雄心還自笑羞將鶴髮對人梳真如生計惟春日罷史爲農十載餘

元夕邀客賞燈兼聽箏笛二樂

上元又是新年節，在客高歌醉不休。
橘酒生春連百酌，蓮燈照夜足千簫。
風前鐵笛驚三弄，月底銀箏試一撈。
聽徹落梅兼出塞，居人自是不關愁。

除夕有感

少年不覺歲時遷，老景偏于除夜憐。
前此宵分爲次日，今番坐久足新年。
雪中偏覺梅花斃，燈下頻將竹葉傳。
不荷前除多罪謫，當朝侍從久歸田。
國制每于除日，單恩滿除京職之有罪過者。

戊辰元日

六十餘齡兩戊辰，今辰猶是未衰人。
青藜杖屨長行健，綠柳條新道望真。
早起壽雲聊卜歲，不須曝日已知春。
林居朝闕同鄉老，尚憶當年拜紫宸。

村遊晚歸感懷

青山銜半日，別去莫淹留。
煙斂孤村晚，蘆殘兩岸秋。
僧歸山後寺，人倚夕陽樓。
籬菊寒猶斂，隣牛夜不收。
侯奴爲候吏，駑馬鳴駑世。
悲如雲變年，光逐水流塞。
翁非失馬非，叟歎曠牛橫。
笛吹新恨來，砧揭舊愁食。
場駒皎皎在野鹿，叻叻謗以虛名起。
官囚愚直休，心長馳北關。
衰不夢東周，日損。

滄郎貌霜周季子英詩慚何水部狂學白江州鴻寶終須獻明珠且莫拔
山精何處采石隨杳難求無論朝中客問人亦白頭

古意

人生亦自有羈縻不但城頭烏夜啼三匝飛鳴無定所一枝何有上林期

秋深村況三首

農休事簡人多醉風靜秋深蟲獨喧城市自然閒客少過時不見款柴門
近交誰復是良朋一半山人一半僧落葉滿階風自掃危樓乘興月同登
天氣秋高正沈寥海風雖急不終朝幾畦藜菊如雲爛兩岸蘆花似雪飄

贈致政司諫劉後峰二首

人散燈殘睡正濃驚迴曉夢思重重攬衣欹枕從容聽野店雞聲野寺鐘
客欲遊山數日廻囊琴絡酒緊追陪道傍偶爾逢樵父試問黃花開未開

雪霽夜寒

氣結雲凝雪不晴雪晴霽果朔風鳴縱教受盡三冬冷贏得虎窗一夜明

塞上曲一百首錄一十四首

嘗讀兵書夜枕戈少年猛士出三河乘時欲取封侯印可奈天驕力請和

已過瓜期不放班天寒路遠淚潸潸交河北望天連海朔野南來雪滿山
風急管中忽夜驚漢將軍出獲胡兵黃龍戍卒歸無日白馬將軍季有名
能令明主坐銷憂百戰功高獨不侯冬冷春和俱入寇三軍豈但只防秋
堂上張燈酒正豪帳前駿馬縮寒毛忽聞羽檄傳來急上馬醜醜弄寶刀
無虜到來傳砲火有人行處斷炊煙虛驚自是尋常事墩堡堪憐不似前
探踪偶爾近龍堆黑霧黃雲凍不開林外鷲聞鳴劍過始知胡騎射鴈翅
不經大挫不知懼怪得胡兒犯順多復套既然茂重戰搗巢罪復合如何
黃河萬里障邊隅點虜年來謀計殊不用輕帆與短棹摩肥鷓飛渡只須更
久廢屯田已可憂鹽銀年例總虛浮兵疲難守黃河口況敢長驅青海頭
虎旅紛紛列虎牙龍庭漠漠走龍沙未交八月先飛雪已盡三春不見花
轅門士卒眾還雄更羨車攻馬又同自是經營能竭力新來節制免從中
城壞塲工早築城練兵不必請添兵細磨深刻燕然石首為平胡大將名
破虜山前今再經曉行尚有兩三星口高始辨朱旂色風起猶聞戰血腥

田家樂二首

四十疇田已是遲田家樂處有誰知鶯花作主今朝事難聚邀竹隨農期

田邊綠樹是吾居，行坐歌謳不著書。莫笑老農滋味薄，釣來盈尺有溪魚。
附見二人

袁通判公冕

公冕號西溪章丘人舉人通判弟崇冕以布衣終善金元詞曲有西野老人樂府王漢陂李中麓並稱之

十月始見菊

怪爾清姿消瘦盡，冷風疎雨亦淒其。玄冬乍見真成晚，白首相期亦未遲。
雲暗郡城愁獨坐，日斜鄉國望移時。樽前摘索原因醉，燭底歌吟轉更悲。

喬長史

中麓集有次喬松菊長史醉楊妃菊詩

詠醉楊妃菊

嫵娜嬌姿不耐霜，芳根移得在朝陽。帶將春色三分艷，散作秋陰滿院香。
傾口尚疑聞羯鼓，臨風猶似舞霓裳。抵愁野鹿偷銜去，寂寞梨園空斷腸。

趙愈都時春

時春字景仁平涼人年十四魁闈中十八中嘉靖丙戌會元選庶吉士出
補兵部武選主事極論時政闕失下獄放歸召補編修兼太子較書上疏

請朝東宮又放歸北虜犯邊起領民兵自副使起拜山西巡撫兼都御史
罷歸景仁慷慨磊落抵掌談天下事靡不切當以邊才自負遇戰陳被甲
躍馬身當虜衝屏廢家居每聞警未嘗不投袂而起也浚谷集詩六卷大
率伸紙行墨滾滾而出伉浪自恣不嫻格律李中麓云浚谷詩有秦聲信
然

河西歌三首

洮水黃河接塞流南山插隴入甘州山河本自分戎夏誰遺交胡西海頭
十萬鳴弦小十王會驅叛寇入河湟青海便爲胡部落赤斤元是漢封疆
冒頓驅降過月支蟠成右臂盡西陲玉關驛路纔如綫可念河西十萬師

呂少卿高

高字山甫丹徒人嘉靖己丑進士授戶部主事調兵部歷車駕司郎中陞
山東提學副使轉行太僕少卿以大計罷官嘉靖初朝士有所謂八才子
者晉江王慎中道思毘陵唐順之應德富順熊過叔仁慈谿陳東約之南
玄任瀚少海章丘李開先伯華平涼趙時春景仁而山甫亦與焉山甫沒
伯華爲立傳序其遺文評鵬諸子之長也以雅致稱呂而又云呂自謂失

之方板今品所傳江峰稿者似不堪與諸子驟乘而畏仁叔仁皆以文筆著叔仁文章與博不欲居主唐下情其詩集散佚不傳問諸其後人亦亡之矣嘉靖末王李諸人號七才子八才子之名遂爲所掩然而八子者通經史諳世務徃徃爲通儒魁士以實學有聞以後七子方之則耻乎其後矣

和趙庫部元實景雲篇

卿雲郁郁覆中天爛結緋文五色鮮光泛紫霄流鳳蓋影垂金闕照龍旂
漸看捧日歸仙掌故欲從龍裊御筵此日仙郎揮藻賦蓬萊親獻沐恩偏

省中直宿

疎星歷歷露爲霜獨宿瑤宮夜未央樹色暗浮天仗外香烟逆接御爐傍
鈞天月上聞長樂玉漏風移山建章不遇武皇行幸日空憐頭白滯爲郎

暮秋述懷

瀟瀟寒雨對高秋寂寂空林擁散裘
歸向鈞天頻有夢挽回滄海獨無謀
平生頗愛任公子末路方思馬少游
珍重故人招隱意家園南郭可淹留

劉重慶繪

繪字子素一字少質光州人嘉靖乙未進士授行人選戶科給事中改刑科右給事出守重慶罷歸子素長身電目高準脩髯好讀左氏縱橫家言擊劍蹇鞞挽六鈞弓撾鼓元歌喜通輕俠計偕入都滄陽王生引少年數十輩遊之邯鄲道上校獵縱酒聲滿燕趙間矣成進士與李開先唐順之趙時春爲文章意氣之交在省垣值貴溪用事抗疏詆譏上頗是之貴溪度無以難乃遣客李寶以相術來說子素怒掉寶柱下已而從給舍壽貴溪貴溪平玉碗行酒子素揮其碗碎地客盡驚出明日疏夏十罪不報六月朔書晦上大恐問天官主何占子素引漢書對請去言以塞天怒明日遂逐貴溪守重慶三年郡中大治會貴溪再相巖南首論罷乃濟治陂池種魚十萬類隄樹千章盡有蒹葭菱藕牛羊豚豕之別又責僮易鹽鬻馬課其入息身與俠少年射獵熊山下得禽置酒自操歌曲以娛其坊晚年酷好樗蒲病痿以死子素喜譚兵以不得一試爲恨守渝時議張桂胤干諸生令與其子黃裳游黃裳亦舉進士任俠監軍東征功名不及張其豪宕亦畧相似云子素文章雄健可喜其詩才氣奔騰而風調未諳多生俾鼻兀之致皇甫子循叙其集云先生應詔諸疏經術文章可謂兼之告

騷賦詩歌則固北海餘聲宣城奇與非所專好也知言哉

綠水曲

香雨紅初散揚煙綠半消日上金粧麗風迴繡帶飄含情聽燕語滋淚惜
花嬌流瑤波影裏明月蕩輕橈

春遊曲

春光九十日一日莫虛過雪映疎梅影風雜早鶯歌蘭橈戲雨沼玉騎踏
香莎名姝調麗曲飛觴莫厭多

春夜省內寓直

月轉周廬映宿光煙飄漢署引仙郎初披御府黃門被已接天衣侍女香
窗前鐘報知長樂戶外鐘懸是建章銀浦初飛披南館羽林宿衛周廬滿
司隸陳兵入禁齊相君留對歸家晚珠箔高寒動閣鈴金鑰乍懸傳漏板
虎觀氤氳雲半遮龍池鳴咽水全斜滲澹碧天遙度雁盈盈官樹暗藏鴉
露滴天街應韞柳風迴上苑想飛花丞郎清切連華屋夜深尚剪芸牕燭
起草誰爲諫獵章抽毫並和陽春曲天長地久頌堯年萬國歡騰侍御筵
共道韶音博士奏還聞珍膳大官傳慙愧小臣空食祿明朝宴會賜金錢

元夕同雜賓里中觀放煙火

銀漢低回度月華，瓊鉤寶柱綰燈紗。宛轉繁烟隨繡騎，徘徊照影逐香車。
飛甍遙望如平樂，曲巷相逢似狹斜。百枝然火龍銜燭，七采絡纓鳳吐花。
鳳花龍燭光雲陌，變童艷女連歌席。荷蓋亭亭葆羽翻，芝幢渺渺蘭輝燿。
鴛鴦閣上舞飛仙，翡翠屏前淹醉客。樞金疊鼓轉層臺，絳火銀花映雜沓。
乍見朱塵連霧捧，還看薰燧亂星回。赤燦忽掣金繩斷，丹洞齊烘玉瑣開。
蟠空百丈靈虬繞，緩慢千行紫蝶來。紫蝶飛散簾箔流螢的，的穿高閣
電影迎前霹靂驚。瑤光綴後天花落，扶桑波上浴奔鯨。葦珠樹底翻丹鶴，
毒瘴熏時解麝膏。殘霞翦斷飄芳藿，麝膏芳藿夜將闌。蔓延劇戲幾回看，
鐵鈇燼銷歌曲轉。銅荷溜滴舞衣單。鵲飛玄渚星河沒，龍口流珠漏水寒。
遙思內苑鰲山起，噴煙射火春宵裏。千旗萬隊遶西城，地轉天迴連北里。
豹脂熊膽照無休，寶炬輕烟散五侯。羽林宅畔龍媒集，虢國園中鳳蹕留。
翠醖金沙長夜宴，火桂炮鷺拂曙收。魚眼搖燈半明滅，虹梁霞縷黃昏徹。
繁華富貴目前歡，却笑媧媧補天裂。可憐劉向只窮經，夜月春風不繫情。
翩翩公子嘗相問，草閣囊螢誤一生。

送王經歷之羽林

君不見玉關連日羽書飛爲報驕胡不解闌雲沙歷塞迷宣府烽火連營
照武威將軍折節延籌策謀客肝衡論握機游旆搖出鳳京日光塵色
壯君行玄月飛霜開玉帳黑山乘月動金鉦長驅已見嫖姚將畫計今傳
阮瑀各少年我重孫吳畧常憶臨戎度沙漠照馬生禽老上端彎弓仰射
旄頭落只今送君氣轉騰始覺雄心未銷鏖我有龍文寶劍名湛盧欲得
單于頸血塗雪花片片未曾試把君仗之西擊胡男兒立功豈必上麟閣
不報君讐非丈夫

初春簡喻大定之陳三公美并遊春諸公

凌旦尋春處莫言花未開仙人碧玉館艷女紫雲臺一醉連歌去千金買
笑回風光已相待數遣曉鶯催

月季花

綠刺含煙攢紅苞逐月開朝華抽曲沼夕蕊壓芳臺能聞霜前菊還迎雪
裏梅踏歌春岸上幾度醉金杯

麗人

秦姬小字杜蘭香春葩粧成照杏梁笑點山櫻初摘絳鬢含翠羽半分黃
飛裙怕看蠅腰折轉扇驚聞鳳曲長指下慵彈碧玉調眼前不見侍中郎

賞花送客遊江南

喧笑攀花會悲歌悵別期明年賞花處只恐動春思

池上梨花

梟霧香魂暗凌波素質嬌可憐流雪影半逐杏煙消

吳參議檄

檄字 桐城人嘉靖己丑進士兵部武選郎中湖廣參議李開先游海

甸詩序云嘉靖乙未三月王遵岩謫判毘陵武選吳皖山檄呂江峯高熊
南沙過翰林唐荆川順之陳後岡束禮部張少室元孝李克齋遂及予共
八人餞之海甸望日出阜城門至則荒涼殊甚蓋張昌國以癸巳罹禍已
三年矣亭臺傾圮惟水聲潺潺不異舊時酒酣賦詩皖山先成意高辭雅
不減唐之名家次日夏注洲遂劾張李二司屬無事慢遊下獄未久七人
相次罷謫皖山幸而獨免詩卷歸予手事如隔世而人多下世愴然作序
不惟感諸友之易消歇而且歎大臣之善傾陷也嘉靖初海澆之歲與蘇

子美諸人監院飲酒之事大畧相似貴溪恃寵枝橫一至于此西市之禍豈不幸哉伯華記此事有關於國論故詳著之

春日過張侯園亭

五侯臺榭競芳菲三日花深車馬稀絃管不從流水奏綺羅應化暮雲飛
空聞玉饌分天府曾覩金葩捧御幃借問樓前桃李月從來此地幾人非
昌國在孝宗朝科道交章論幼無虛月欽命置酒陪禮傳諭守科及該道
按本者俱赴席臨時又賜御物助杯盤翌日謝恩本上而劾本亦上矣故
此詩有大府玉饌之句

列朝詩集

丁集一終